


Sel Prestuhn Thomas S. Monson



Oruh in Oasr Pacl luhn Mwet Lahngo

Sie pac puhlan pacl in Kristmas pa oactui nuh facsr ac weacng pac kac kuhsruhn lwen in sie yac sasuc uh. Oacna in ekweah na pa kuht ahkfuhlwactye isuslac luhn Leum ac orek olwelah sasuc ah.

Inmahsrton olwelah sasuc ke yac inge uh, pa kuht otwelah muh in oreklac pacl ke moul lasr ac sekihn insiyacsr nuh sin Mwet Lahngo? Kuht finne wo ohiyac ne ingena ke olwelah sasuc, nga arlac luhlalfongi lah kuht kwewa ke in oruh wo liki na met ah. Ke Kristmas se inge in pa pacl fal in lohacng ac ahksa-sucye ke lasr uh.

Ke moul kahfofo lasr uh, ke ma na pucspucs sahyac siai in pwen muhtahsr, arlac yohk srihpac tuh kuht in oruh kuhiyacsr, ke u in use Kraist nuh in moul lasr ac nuh in lohm sesr uh. Ac yohk srihpac tuh kuht, in oacna Mwet Lahmwetmwet ma tuhkuh Kuhtuhlap me, in akwucki siyac na itu se Lal ah ac “tuku in alu nuh sel.”¹

Tuhkuh ke fihl met me, pweng sel Jisus uh srack oacna met ah. Nuh sel Peter ac Andrew ke pe kof Galilee ac, El fahk, “Fahsr tukuk.”² Nuh sel Philip pahng sac tuhkuh, “Fahsr tukuk.”³ Nuh sin mwet Levi se suc muhta ke yen in moli tax uh sap soko ah tuhkuh, “Fahsr tukuk.”⁴ Ac nuh sum ac nga, fin kuht porongo, pounset in solsol sacn pacna in fah tuhkuh ac Ukwac.⁵

Ke kuht fahsr in Falkacl mihsenge ac etahi srihkasrak Lal, ac oasr inkacnek wowo in ahkinsewowoye moul luhn mwet sahyac. Jisus El sulih kuht in kahsrub ac sang kuh lasr

nohfohn in kuhlwaconsuhpuh mwet sahyac ke srihpen El enenuh insiyacsr ac kena lasr uh.⁶

Kuh oasr mwet suc kowos enenuh in kahsrub ke Kristmas se inge? Kuh oasr sie suc tuhpan muhtwacta lowos an?

Yac somlah ah nga muhtwacta ke sie Kristmas ah nuh yurin muhtwacn mahtuh katinmas se. Ke nga oasr tari we ah, tahpweng ke sruhngucl ah kahslah. Ke motonoac ah sie taktuh na etweyuck ac kahfofo tulac kac. El tiac ma suhpweyuck; tuhsruhk, el puhlahkuhnwack sie pihrihkyuck in muhtwacta me nuh yurin mwet mas se inge suc suhpwac.

Ke nguhnnguhn in pacl uh, elos suc muhta in muhnahs lalos ahsorack ke Kristmas ac ke in oasr mwet muhtwacta yohroh. Sie Kristmas ah ke nga muhtwacta ke sie iwen liyacacng mwet mas, nga tuh sransram nuh sin muhtwacn mahtuh limekohsr, sie selos matwac yac 101. El kun, ac el akihlen na puhsrek.

“Pisap, kom pahtlac kuhtuh ke yac inge!” el fahk. “Nga nuhnkuh muh kom ac tiac tuhkuh.”

Kuht arlac engankihn pacl kuht toeni ac. Ne ohinge, sie mwet mas inge, oruh ngwetngwet in ahsor se la ke window uh ac kalweni na in fahk angwe, “Nga etuh lah tuhlihk mukul se nuhtihk inge fah tuhkuh liyeyuc mihse-enge.” Nga ke etuh lah elac tuhkuh, mweyen oasr pacl in Kristmas ma el tiac wihn na pahng.

Srack oasr pacl ke yac inge in tahfwelah kahsrub, inse kuhlwacong, ac inse muhtwacnglah uh—kuh, in ukwe srihkasrak akwucki sin Mwet Lahngo lasr ac in kuhlwaconsap

oacna ke El fah oruh uh. Ke kuht kuhlwaconsuhpwacl uh, kuht ac tiac foskackuhnlah pacl wowo lasr, oacna mwet taran iwen monglac in pacl met ah,⁷ in sekihn pacl nuh Sel in moul lasr ac in mwesahs nuh Sel in nuhnak lasr uh.

Yac kuht kuh in kahlwem ke olwelah na wowo ma oasr ke pweng suc lihpufacn se sang nuh sin mwet liyacacng sip suc muhta yen in tohf kosro uh: “Nga us pweng wo nu suwos. . . . Tuh isusla nu suwos misenge . . . sie Mwet Lango, su Leum Christ?”⁸

Ke kuht oruh mwe sang ke Kristmas uh, lwelah kuht in esam, kulohkihn, ac eis mwe sang se ma wolacna emet uh—mwe sang luhn Mwet Lahngo, ac Mwet Iwaclah lasr, tuh kuht in eis moul ma pahtpaht.

Ac tiac oruh ma wo nuh sin mwet se fin mwe sang se ituckyang nuh sel, ac el tiacna ipeis kac. Mwet sacn el tiac engankihn mwe sang ituckyang nuh sel uh, el tiac pacna engan sel suc ma kihte mwe sang uh.⁹

Lwelah kuht in fahsr Tohkohl, Kuhlwaconsuhpwacl, Ahk-fuhlwacl, ac in eis ke moul lasr mwe sang Lal nuh sesr, tuh kuht in kuh, oacna ke kahs lal Pahpah Lehi, “apihs-yucklac ma pahtpaht ke paho luhngse Lal.”¹⁰

MWE KAHSRUH

1. Matthew 2:2.
2. Matthew 4:19.
3. John 1:43.
4. Matthew 9:9.
5. Liye Doctrine and Covenants 38:22.
6. Liye Doctrine and Covenants 64:34.
7. Liye Luke 2:7.
8. Luke 2:10–11.
9. Liye Doctrine and Covenants 88:33.
10. 2 Nephi 1:15.

LUTI KE PWENG SE INGE

Prestuhn Monson el pahngon kuht “in oruh kuhi-yacsr, ke u in use Kraist nuh in moul lasr ac nuh in lohm sesr uh.” Srikhe motko in sruhmuhn nuh selos suc kom luti lah elos kais sie ac sang kuhiyaclos oruh fuhkah ac in sucu uh. Kom ac kuh in siyuck selos in motko ke sie sin mwet kuh sucu suc elos in muhtwacta yohroh kuh kuhlwaconsuhpuh ke Kristmas se inge. “Srack oasr pacl

ke yac inge in tahfwelah kahsrh, inse kuhlwacong, ac inse muhtwacnglah uh.”

MWET FUHSR

Inkacnek in Kuhlwaconsap ke pacl in Kristmas

Prestuhn Monson el eis pacl in muhtwacta yurin mwet mahtuh ac elos suc muhta in iwen karihngihn mwet muhnahs, yohk na in pacl in Kristmas. El fahk lah oasr selos suc engan ke srihpen mwet muhtwacta yohrohlos, na kuhtuh finsrakkihn muhkwenah tuh in oasr mwet in muhtwacta suc tiacna yorack. Oasr mwet suc tuhpan na lah sahp ac oasr mwet—ke Kristmas se inge, kom kuh pacna in pa mwet sacn.

Ma ten inge pa sie tahk ke kuhtuh inkacnek kom kuh in kahsrh oruh tuh in wacngihn mwet muhkwelac ke Kristmas se inge. Sukohsohk sum in nuhnkuh pac ke kuhtuh inkacnek in soklah nuh in mura lom an in pacl se inge. “Kuh oasr sie suc tuhpan muhtwacta lowos nuh yohroh?”

- Oraclah Kristmas card in suhpuh nuh sin misineri ac mwet lolacp ac mwet mempucr mahtuh ke ward kuh pracns lowos an.
- Sang pacl lom in kahsrh u ke mura lowos an.
- Sang Puk luhn Mormon in Mwe Sang ke Kristmas se nuh sin kawuck ac mwet tuhlan lom an.
- Muhtwacta nuh yurin mwet mahtuh ke ward kuh sucu.
- Oruh mwe kihtakat in kihte mwet tuhlan lom.

TUHLIHK SRIHSRIHK

Ukwe Kahlwem Se

Tukun Jisus El isuslac ah, Mwet Lahlmwetmwet us mwe sang nuh Sel. Elos ukwe itu na sasuc, kahlwem se inkuhsrao in Konwaclwack. Mwe sang fuhkah kom kuh in sang nuh sin Jisus ke Kristmas se inge?



Luhlahlfongi, Sucu,
Kahsruh

Ohiyac Muhtahl Lucng Me luhn Jisus Kraist: Pahkotwen ac Kuhlwcng

Pruhe in luthutkihñ kuhfa inge ac suk in etuh ma in akacsruhi kac. Etuh ohiyac muhtahl luhn Mwet Lahngo ac ahkyohkye kuh in luhlahlfongi lowos Kacl ac ahkinsewwoyoye fuhkah mwet kowos liyacacng ke forfor luti uh? Nuh ke kuhtuh pac ma in etuh, som nuh ke reliefssociety.lds.org.

Pa inge ip ke u luhn Pweng sin Mwet Forfor Luti ma sramsramkihñ ohiyacn Mwet Lahngo.

Ke ma suhmuhslah uh, pahkotwen uh kalmac pa ‘in wi kweok kac.’ Kalmeyac pac pa in ahkkahlwemye pahkomuhta, kuhlwacng, ac etatwen nuh sin sie pac.”¹

“Jisus El use nuh sesr srihkasrak in pahkotwen ke elyah na pucs-pucs,” Prestuhn Thomas S. Monson el fahk. “Mwet ul se Bethesda; muhtwacn se ma lohiyucki ke orekma koluk la ah; muhtwacn se ke unohn in kof lal Jacob ah; tuhlihñ muhtwacn se nahtuhl Jairus; Lazarus, mukul se wiyacñ Mary ac Martha—kais sie ekihñ twelac kuh ongaiyac ke inkacnek Jericho uh. Kais sie enenuh kahsruh.

“Nuh sin mwet ul se Bethesda ah, Jisus El fahk, “Tukakek, srkak mwe oan kiom, ac fahsr.’ Nuh sin muhtwacn orekma koluk sac kaks inge fahk, ‘Som, tusrukto nimet sifilpa oru ma koluk.’ Nuh sel suc tuhkuh in ut kof, El ahksro unohn in kof se ‘kof in moul, oayapa moul ma pahpat.’ Nuh sin tuhlihñ muhtwacn se nahtuhl Jairus ah sap soko inge fahk, “Tulik mutan, nga fahk nu

sum, tukakek!’ Nuh sel Lazarus suc pihplac in pokongo uh, ‘ilme!’

“Mwet Lahngo El fahkwack yohk sesseslah in pahkomuhta Lal. . . . Lwelah kuht in ikacslah sruhnguhl luhn insiyacs, tuh El—suc mwet srihkasrak moul ke pahkotwen—in ilyak.”²

Tahfweyacn Ma Suhmuhslah uh

Psalm 145:8; Zechariah 7:9; 1 Peter 3:8; Mosiah 15:1, 9; 3 Nephi 17:5–7

Ke Ma Suhmuhslah uh

“Mukul tuhmuhk ah ac nga sikuck muhtuhnte sisten tuhlihñ muhtwacn yac singucul itkohsr se nahtuhsr inge ac kwacfe moul lal,” Linda S. Reeves, suc ma mwet kahsruh ahkluo ke prestuhñsi luhlahp luhn Rilif Sosaiti el fahk. “Top kac uh pa moh, tuhsruhñ . . . kuht kahlwem kac . . . lah . . . [Mwet Lahngo] El pahko na muhtahsr in ahsor lasr.”³

“Sie sramsram na wo ke moul luhn Mwet Lahngo pa ke sramsram se kacñ Lazarus ah. Ma suhmuhslah fahk nuh sesr lah ‘Jisus El luhngse na Martha, . . . wi ma wiyacñ uh [Mary], ac [tamuhlwel lalos] Lazarus.’”⁴ Ke Lazarus el maswack tari ac, pweng

ah som tari nuh sel Jisus, tuhsruhñ ke El ai ac Lazarus el misac tari. Mary el kahsruhñ nuh yohrohl Jisus, puhtati ke Niyacñ, ac tuhng. Ke Jisus El liyacñ Mary ke tuhng ah, “El ahsor in nguhñal, ac . . . tuhngyak” (John 11:33, 35).

“Pa ingacn ma kunacsr. Kuht enenuh in puhlakihñ ac liye sesr sifacna ac na tuhñah kuh in kahsruh tuhlihñ nuh kwewa nuhtin Pahpah Lucng in puhla ac liye ac etuh lah Mwet Lahngo lasr El iwacñah tiac ke ma koluk lasr kwewa muhkwenah tuhsruhñ ke waek ac kweok ac ongaiyac tuh Elan kuh in etuh ma kuht puhlakihñ ac in etuh in ahkkwey kuht.”⁵

MWE KAHSRUH

1. Guide to the Scriptures, “Compassion.”
2. Thomas S. Monson, “The Gift of Compassion,” *Liahona*, Mahs 2007, 4–5, 8.
3. Linda S. Reeves, “The Lord Has Not Forgotten You,” *Liahona*, Nohfuhmpuh 2012, 120.
4. Linda S. Reeves, “The Lord Has Not Forgotten You,” 118.
5. Linda S. Reeves, “The Lord Has Not Forgotten You,” 120.

Nuhñkuh Ma se Inge

Suc kuh in insewowokihñ pahkotwen lowos?